

16 ოქტომბერი 2015 წელი

ქ. რუსთავი

ერთის მხრივ, ქალაქ რუსთავის მუნიციპალიტეტი, (შემდგომში „შემსყიდველი“) წარმოდგენილი ქალაქ რუსთავის მუნიციპალიტეტის მერის მოადგილის ლაშა ლობჯანიძეს სახით, და მეორეს მხრივ, სსიპ „საქართველოს საკანონმდებლო მაცნე“ (შემდგომში „მიმწოდებელი“) წარმოდგენილი მისი თავმჯდომარის გიორგი პატარიძეს სახით, ვდებთ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „ვებგვერდი“ - (შემდგომ – www.matsne.gov.ge) ნიშნავს „საქართველოს საკანონმდებლო მაცნე“ ოფიციალურ ვებგვერდს, რომლის მეშვეობითაც შემსყიდველი ორგანიზაცია დებულობს მომსახურებას.

2. ხელშეკრულების საგანი

- 2.1 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტის შესაბამისად, შემსყიდველმა ქალაქ რუსთავის მუნიციპალიტეტმა გააფორმა ხელშეკრულება მიმწოდებელთან შესაბამისად, შემსყიდველმა ქალაქ რუსთავის მუნიციპალიტეტმა (არანორმატიული) აქტებისა და გამარტივებული შესყიდვის საშუალებით, ვებ გვერდზე ნორმატიული (არანორმატიული) აქტებისა და საქართველოს ზოგადი ადმინისტრაციული კოდექსის 49-ე მუხლით განსაზღვრული ანგარიშის გამოქვეყნების შესყიდვაზე „საქართველოს საკანონმდებლო მაცნე“-ში, შემდგომში მომსახურება, და მიმწოდებელი იღებს ვალდებულებას მიაწოდოს შემსყიდველს აღნიშნული მომსახურება წინამდებარე ხელშეკრულების პირობების შესაბამისად.(CPV64200000)

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს: 7 500.00 (შვიდი ათას ხუთასი ლარი და 00 თეთრი) ლარს.
- 3.2. ანგარიშსწორება განხორციელდება ხელშეკრულების მოქმედების პერიოდში ფაქტიურად გამოქვეყნებული ნორმატიული აქტების მოცულობის საფუძველზე.
- 3.3. ხელშეკრულების ფასი შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, მათ შორის კანონმდებლობით დადგენილ ყველა გადასახადს, მოსაკრებელს.
- 3.4 დაფინანსების წყარო: 2015 წლის ადგილობრივი ბიუჯეტი.

4. შესყიდვის ობიექტის მახასიათებლები

- 4.1. საქართველოს იუსტიციის მინისტრის 2010 წლის 6 დეკემბრის №225 ბრძანების საფუძველზე ნორმატიული აქტების გამოქვეყნების ღირებულება შეადგენს:
 - ა) ერთი გვერდიდან 10 გვერდის ჩათვლით – თითოეული გვერდის გამოქვეყნებისთვის 20 (ოცი) ლარს;
 - ბ) 11 გვერდიდან 50 გვერდის ჩათვლით – თითოეული გვერდის გამოქვეყნებისთვის 15 (თხუთმეტი) ლარს;

გ) 50 გვერდზე მეტი – თითოეული გვერდის გამოქვეყნებისთვის 10 (ათი) ლარს.
გვერდების რაოდენობა იანგარიშება გამოსაქვეყნებლად წარდგენილი დოკუმენტის თითოეული გვერდის მიხედვით. არასრული გვერდი ჩაითვლება ერთ გვერდად.

5. მომსახურების შესაბამისობა

5.1. ხელშეკრულების მეორე მუხლით გათვალისწინებული მომსახურება უნდა განხორციელდეს 2015 წლის 31 დეკემბრის ჩათვლით.

5.2. ხელშეკრულების მეორე მუხლით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

6. მომსახურების მიწოდების პირობები და ვადები

6.1. გამოქვეყნების ვადებზე და პირობები განისაზღვრება „ნორმატიული აქტების შესახებ“ საქართველოს კანონის შესაბამისად.

6.2. მომსახურების მიწოდება განხორციელდება ვებ-გვერდზე (www.matsne.gov.ge).

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება დასტურდება ჯებ-გვერდზე ნორმატიული (არანორმატიული) აქტების გამოქვეყნებით და წინამდებარე ხელშეკრულების 16.1 პუნქტით განსაზღვრული ხელშეკრულების შესრულების კონტროლის განმახორციელებელი პირის მიერ შედგენილი ინსპექტირების აქტის საფუძველზე, რაზეც გაფორმდება შესაბამისი მიღება-ჩაბარების აქტი 2 (ორი) ეგზემპლარად.

8. ანგარიშსწორების პირობები

8.1. ანგარიშსწორების ფორმა - უნაღდო ანგარიშსწორება წარმოებს ლარებში.

8.2. ანგარიშსწორება იწარმოებს ყოველი თვის მომსახურების შესაბამისი მიღება-ჩაბარების აქტისა და ფინანსური დოკუმენტაციის (ინვოისი) საფუძველზე, წარმოდგენიდან არა უგვიანეს 15 (თხუთმეტი) სამუშაო დღის განმავლობაში.

9. მხარეთა ვალდებულებები

9.1 მიმწოდებელი ვალდებულია:

9.1.1. უზრუნველყოს შემსყიდველის მიერ წარმოდგენილი ნორმატიული (არანორმატიული) აქტების გამოქვეყნება ვებგვერდზე.

9.1.3. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით.

9.2 შემსყიდველი ვალდებულია:

9.2.1. იხელმძღვანელოს „ნორმატიული აქტების შესახებ“ საქართველოს კანონის მოთხოვნათა სრული დაცვით.

9.2.2. უზრუნველყოს „მიმწოდებლის“ დაფინანსება ხელშეკრულების პირობების შესაბამისად.

9.2.3. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულებით აღებული ვალდებულებების შესრულებასთან.

10. მხარეთა უფლებები

10.1. „მიმწოდებელს“ უფლება აქვს:

10.1.1. შემსყიდველს მოსთხოვოს ხელშეკრულებით აღებული ვალდებულებების ჯეროვანი შესრულება.

10.1.2. ხელშეკრულების ფარგლებში მოითხოვოს დროული და სრული დაფინანსება.

10.2. „შემსყიდველს“ უფლება აქვს:

10.2.1. აწარმოოს გაწეული მომსახურების კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს, მისი აღმოფხვრის მიზნით.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით გაუგზავნოს მეორე მხარეს შესაბამისი დამატებითი შეთანხმება ხელშეკრულებაში ცვლილების თაობაზე.

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა დონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება, რომელიც წარმოიქმნება ხელშეკრულების პირობების შესრულებასთან დაკავშირებით.

13.2. ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

14 ხელშეკრულების შესრულების შეფერხება

14.1. თუ ხელშეკრულების შესრულების პროცესში ერთ-ერთი მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

15. ხელშეკრულების პირობების შეუსრულებლობა

15.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მხარეებს მათი მოთხოვნის შემთხვევაში ეკისრებათ პირგასამტეხლო ყოველ გადაცილებულ დღეზე გაანგარიშებით შეუსრულებელი ვალდებულების ღირებულების 0,1%-ის ოდენობით.

15.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს მხარეებს უფლება აქვთ შეწყვიტონ ხელშეკრულება.

16. ინსპექტირების პირობები

16.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული მომსახურეობის ინსპექტირება. ინსპექტირებას განახორციელებს ქალაქ რუსთავის

მუნიციპალიტეტის საკრებულოს აპარატის უფროსი, რომელიც არ იმყოფება მიმწოდებელთან ინტერესთა კონფლიქტში.

17. ხელშეკრულების მოქმედების ვადა

17.1. წინამდებარე ხელშეკრულება ძალაში ხელშეკრულებაში მითითებული თარიღიდან და მოქმედებს 2016 წლის 31 იანვრის ჩათვლით.

18. განსაკუთრებული პირობები

18.1. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

18.2. ხელშეკრულება შედგენილია 4 (ოთხი) ეგზემპლარად და თითოეულ მათგანს აქვს თანაბარი იურიდიული ძალა.

18.3. ხელშეკრულების ერთი ეგზემპლარი ინახება „მიმწოდებელთან“, სამი - „შემსყიდველთან“.

„შემსყიდველი“

ქალაქ რუსთავის მუნიციპალიტეტი
მის: ქ.რუსთავი, მ.კოსტავას გამზირი №20
საიდენტიფიკაციო კოდი №216433287
მიმღები ბანკი სახელმწიფო ხაზინა
მიმღების დასახელება: ხაზინის ერთიანი
ანგარიში
ბ/კ №TRESGE22
ა/ა № GE24NB0330100200165022

ლაშა ლობჯანიძე

ქალაქ რუსთავის მუნიციპალიტეტის
მერის მოადგილე

„მიმწოდებელი“

სსიპ საქართველოს საკანონმდებლო მაცნე,
მისამართი: ქ. თბილისი, ს. ეულის ქ. №3
ტელეფონი: 2 94 16 45,
საბანკო რეკვიზიტები: სახელმწიფო ხაზინა

ბანკის კოდი: TRESGE22

ა/ა 707407076

საიდენტიფიკაციო კოდი: 203862622

გიორგი პატარიძე

სსიპ „საქართველოს საკანონმდებლო მაცნე“-ს
თავმჯდომარე

ინსპექტირებაზე პასუხისმგებელი პირი: სოფიო კარანაძე

ინფორმაცია ინტერესთა კონფლიქტის შესახებ



ქ. რუსთავი

16 ოქტომბერი 2015 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ ქალაქ რუსთავის მუნიციპალიტეტის მიერ გამართივებული შესყიდვის საშუალებით სსიპ „საქართველოს საკანონმდებლო მაცნე“-სგან ვებ გვერდზე ნორმატიული (არანორმატიული) აქტებისა და საქართველოს ზოგადი ადმინისტრაციული კოდექსის 49-ე მუხლით განსაზღვრული ანგარიშის გამოქვეყნების შესყიდვის განხორციელებაში მისი მონაწილეობა არ იწვევს ინტერესთა კონფლიქტს.

ქალაქ რუსთავის მუნიციპალიტეტის
მერის მოადგილე:

ქალაქ რუსთავის მუნიციპალიტეტის
საკრებულოს აპარატის უფროსი:

 ლაშა ლობჯანიძე
 სოფიო კარანაძე